

四庫全書

經部

欽定四庫全書

周易函書約存卷八

禮部侍郎胡煦撰

原古先儒易說

朱子易說

朱子曰所謂數者祇是分限節度處得陽必奇得陰必偶凡物皆然而圖書爲特巧而著耳

煦按分限節度四字最有體會此合中之分不可不辨者也予謂時有三候位有三等非真有三之可指

也只是聖人於極精極微處看出分限節度如此故其立卦止于三爻不復加也然必知象數原不離理而理實貫乎有象無象有數無數之中方知夫子一貫之道方知易冒天下之道

照按卦圖畫自伏羲卦名非伏羲所定也伏羲時觀圖玩書則以畫卦其時未有文字其圖尚未開折但做奇偶剖別陰陽爻是一加再加先合後分內合外分以寓夫中外流通體用一原之道而伏羲之易于

是乎盡因其寓義無窮經三聖人之表章究莫能盡  
故無俟乎開而為卦而圖中之妙上契天道下合人  
事化化生生之大原萬事萬物之極則盡秘其中故  
其靈妙無與為比後世聖人具吉凶同患之心將欲  
因貳以濟民行因見義圖最靈最妙合之則天地藏  
於無朕而兩大者資其統御分之則萬形彰為萬象  
而保合者各載乾元然後開為六十四卦而萬物萬  
事之理無條無遺邵子所由謂備萬物之數又以為

三十六宮都是春也今夫動有動象植有植象此目  
覩而易辨者也六十四卦不逾陰陽至其或多或少  
或上或下雖有數可紀而圖尚未開又何名可命因  
象而達理乎是則伏羲之道原具夫未開之圖而名  
所由稱必在已開之後審矣今觀下繫第六章曰其  
稱名也雜而不越於稽其類其衰世之意也又曰開  
而當名辨物既以稱名為衰世之意則伏羲未嘗稱  
名可知又曰開而當名辨物則伏羲未開未名未嘗

辨物可知又曰因貳以濟民行則伏羲中古嗜欲未甚文字未起無待於濟無俟於開又可知凡皆稽考義類而有以深識其由然也今考黃帝涿鹿之戰始肇兵端伏羲時安得有師神農教民樹藝實始飲食伏羲時安得有鼎又觀下繫第二章如耒耜舟車弧矢杵臼取義于卦象者均非伏羲中古所有則類之可稽者固瞭然在目也善乎孟子之尚友也曰論其世也不論其世則執我以衡人而其人之時勢不真善

乎孔子之論易也曰稽其類也不稽其類執今以論古而其事之違時者不少所由貴論世之法也如不解稱名之說爲卦而言泛泛作卦爻解說則孔子何必有稽類之說又何必有衰世之論又何必有開而當名因貳濟民之說哉須知看伏羲之圖全在渾淪圓轉未開未拆時著想留神看文周之易雖要在逐卦逐爻著想留神然亦不可離却義圖然亦不可忘了太極孔子曰易有太極但証其有而不指太極之

所在蓋即在兩儀未起之先也文王之釋卦也未亨  
之始命之為元周公之釋爻也兩儀所分命之為初  
其義亦可想矣既知圖自圖卦自卦爻自爻三聖之  
易原不相混又知爻即卦卦即圖三聖之易原不相  
離則謂孔子之顯諸仁即是說文周之易藏諸用即  
是說伏羲之易可也

又曰易之有象其取之有所從其推之有所用非苟為  
寓言也然秦漢諸儒必欲究其所從則既泥滯而不通



王弼以來直欲推其所用則又疎略而無具二者皆失之一偏而不能闕其所疑之故也故王弼曰義苟應健何必乾乃為馬義苟合順何必坤乃為牛而程子亦曰理無形也故假象以顯義此乃所以破先儒膠固支離之失而開後學玩辭玩占之方則至矣然觀其意又似直以易之取象無復有所自來但如詩之比興孟子之譬喻而已如是則是說卦之作為無所與於易而近取諸身遠取諸物者亦剩語矣故疑其說亦若有所未盡

者因竊論之以為易之取象固必有所自來而其為繇辭已具于太卜之官故今不可復考則姑闕之而直據辭中之象以求象中之意使足以為訓誡而決吉凶其亦可矣固不必深求其象之所自來然亦不可以假設而遽欲忘之也

照按此段論觀象之法最詳是學者第一緊要事故詳論之象者像也假此物之形似以象此卦此爻也因此卦此爻之理深隱難測故假肖似之物類以象

之非如詩之比興孟子之譬喻固已然執象以求泥而不通漢魏之儒類然矣至以為無復有所自來亦當夫外假肖似之形而曲象卦爻之義理豈復有所自來哉特懼遺象徒拘執人事占卜之說則遂無以識此卦此爻之真矣今試問河洛二圖天卦以象示乎先天四圖伏羲非以象則乎文王卦辭周公爻辭非卦爻之象乎以象示者其渾淪涵蓄不可驟解於是擬卦辭而以象擬爻辭而以象亦適如其渾淪涵

蓄止耳孔子之彖辭特著往來上下之說無非教人觀象之法也孔子之繫說仰觀俯察遠取近取以及懸象著明未耜舟車之悉有取也無非示人觀象之法也即以廣八卦論取象之類不一而足然非因此一卦以求盡事事物物之類也是欲因此最多之象反以求得此卦性情之真耳總緣周易之妙通於無象之表難可名言故假象中之肖似俾之得象忘言斯其契合也微矣夫孔子之一貫猶不能添一字註脚

而况周易為大道從出之原乎但合衆多之象皆能  
返以求此卦之精蘊又合諸卦之象能返以求先天  
四圖之精蘊則無象之表將有以妙契其微而不盡  
之象亦將有以旁通其旨何也其理寓於象而其妙  
固不止於象也

來矣鮮釋象

卦中釋象有不拘說卦乾馬坤牛乾首坤腹之類者有  
自卦情而立象者如乾卦本馬而言龍以乾道變化龍

乃變化之物故以龍言之朱子語錄或問卦之象朱子  
曰便是理會不得如乾為馬而說龍如此之類皆不通  
照按龍周公之象馬孔子之象皆象也安得謂馬是  
而龍非若執定一象以為正則金玉大赤之類皆非  
乎象之所起皆自圖書而始圖書為天地自然之易  
象焉而已非有道理顯於言說也伏羲則以畫卦其  
時未有文字陰陽奇偶之畫象焉而已非有道理顯  
于言說也卦爻既開文字漸起六書之義類不過象

形指事會意諧聲轉注假借則是聖人文字之設其  
初亦假象寓意者也逮于文字流傳既久道理闡發  
益明用代結繩而紀事因遂有辭明義顯之文然而  
上古之文著于簡策非如後世書籍繁多故其為文  
皆極簡賅何況周易始于卦爻其中義理包涵無盡  
若非假象何由自明則文周繫辭而擬之以象仍然  
伏羲之卦河洛之圖書其中所具方圓分合之數耳  
第索道理于文字中恒樂其辭明義顯求道理于象

數之內非高視遠寄取精會神終不能盡識其指歸  
于是乎以周易最簡最貴之文極精極微之象羣相  
趨走便宜一路直欲如文字義理開卷了然致四聖  
之心理沒久矣夫六經皆孔子所定其于周易獨加  
十翼又曰五十學易可無大過則象之不易窺也雖  
聖人猶難言之漢時去古未遠其所傳授皆出孔門  
而漢儒解易多從象中講究必宣聖傳授之真未盡  
泯也第溺象而悖理非周易正解耳其本卦爻而



言象固猶可稽也止緣後世分象與理而二視之遂  
以為康成一派言象王弼一派言理夫卦止六爻咸  
欲實証于事遺象而言理是事也而非理也夫理固  
未有遺象孤存者也遺象而言理必至顧此失彼得  
粗遺精則固未知象中之包涵渾括原不可以意計  
窮也至於濂溪之與康節其傳悉出希夷乃一以為  
理一以為數非惟不知二公同出一原其道理若合  
符節亦并不知周易中理之與數為何等物事矣夫

象數固依理而顯理固即象數而具者也窮象而不  
究理則非真象窮理而不協象則非真理來矣鮮于  
理障之後獨能上溯虞荀深求義例不為時下理障  
所窘其有功於易豈淺鮮哉

玩辭

李本固全書彙編

辭之文而且奇有設為不必然之物者龍何戰乎戰何  
野乎血元黃乎此不必然之物也有不必然之事者龍  
無首乎無首而為龍乎噬乾肉乎噬而得黃金乎倘具

偶乎牝牛畜之乎未占畜乎占而當畜乎此不必然之事也有不必然之地者西南乎東北乎往之而利乎不利乎此不必然之地也有不必然之應者七日來復乎八月有凶乎飛鳥遺音乎尅應乎此不必然之應也有卦反對而辭同者益之二即損之五姤之三即夬之四未濟之四即既濟之三故所繫之辭亦同然意之所指則異矣有辭在此卦而通之于彼卦者帝乙歸妹繫之歸妹矣而又繫之于泰三四易則為泰也跛能履繫之

于履矣而又繫之于歸妹彼履乾此履震也有辭同而  
意異者均一拔茅連茹也而在泰則為君子進在否則  
為小人進均一濡尾也而在既濟則無咎在未濟則可  
吝均一利女征也在家人則利于女在闕觀則不利于  
丈夫矣有辭同而意亦同者小畜以陰在上而曰密雲  
不雨自我西郊小過亦以陰在上而曰密雲不雨自我  
西郊有彖辭與爻辭異意者臨為臨陰則四陰為小人而  
至臨知臨敦臨不以小人目之也遯以陰長而遯則能

遯為君子乃初與二亦以君子之遯言之觀之四陰非  
小人乎乃言君子之觀光復以一陽來復為言乃六爻  
皆取善念之復象固一意而爻又一意也觀此可知目  
陽爻為君子目陰爻為小人者非也有以爻為主而我  
為賓者六三勿用取女是以三為女而我勿取之也上  
九觀其生君子是以上為君子而我觀之也初九舍爾  
觀我是以初九為靈龜而我語其舍也六五射雉是以  
五為雉而我射之也以我用爻此一例也有以爻為主

應爻為賓者見輿曳是以三為輿而上九見之也童牛之牯是以初為童牛而四牯之也贖豕之牙是以二為豕牙而五贖之也王假有家是以二為有家而五假之也求婚媾是以四為婚媾而初求之也此以爻用爻又一意也有言在此而意在彼者據其辭則泰之四小畜之五若為小人誇詡而其意則在君子也晉之康侯泰之大來若為君子慶盛世而意則在衰世也有鄙之者有危之者曰不雨曰穴鄙小人之無能也曰童觀曰闕

觀鄙君子之不能有為也曰剥牀曰蹢躅曰女壯甚小人所以危君子也而總之皆扶陽抑陰無非為君子謀耳是以象為辭者何其廣大悉備也翼曰繫辭焉而明吉凶又曰繫辭焉所以斷也是辭以斷占故即占以為辭曰利貞曰安貞曰居貞曰永貞曰元永貞曰可貞曰君子貞曰女子貞曰婦人貞曰童僕貞曰小人貞曰牝馬之貞曰幽人之貞曰武人之貞曰內比之貞曰外比之貞曰不息之貞曰師貞曰旅貞詔之也曰艱貞曰厲

貞曰貞厲曰貞吝曰貞凶曰不可貞曰不可疾貞曰勿  
用永貞曰不利君子貞戒之也曰无悔者可免于悔曰  
悔亡者有悔而亡之也曰虧悔曰無祇悔勉之也曰有  
悔曰小悔警之也是故有亨有元亨有吉亨有小亨有  
亨小有惟心亨有利貞亨有元吉有大吉有終吉有吉  
无不利有往吉有吉亨有吉无咎有厲吉有厲終吉有  
悔厲吉有貞吉有它吉慶之也有利見有利往有利涉  
有利用有无不利示之也有无咎有何咎有厲無咎有



何其咎有吝无咎有吝吉有往无咎可之也有終吝  
有小吝有它吝有貞吝有往吝有見吝惜之也有勿用  
有勿用有攸往有不利有攸往有不利涉大川有攸  
利有小利有攸往禁之也有凶有大凶有厲有災眚有  
終凶有貞凶有征凶有起凶有見凶有以凶有終有凶  
蔑貞凶有凶無咎有凶无攸利矜之也是以占爲辭者  
何其變化無窮也有象以寓理有占以決疑而繫辭之  
道備矣而要之以貞悔爲本貞則吉亨所必致悔則可

反凶吝而无咎矣此玩辭之大端蓋採傳文兆之語也  
煦按玩辭所論或合或否不盡皆當獨取其得叅互  
考証之法倘充其類而廣之諒于周易之學不難入  
也

三易 李本固全書彙編

按周禮太卜掌三易之法干令升注云天地定位山澤  
通氣雷風相薄水火不相射此小成之易也帝出乎震  
齊乎巽相見乎離致役乎坤說言乎兌戰乎乾勞乎坎

成言乎艮此連山之易也初乾初與初艮初兌初榮初

离初釐初與

一作與與即與字之訛與即與也

此歸藏之易也小成者

伏羲之易也而文王因之連山者烈山氏之書也而夏人因之歸藏者軒轅氏之書也而商人因之夏得人統故歲首建寅而卦首艮商得地統故歲首建丑而卦首坤周得天統故歲首建子而卦首乾伏羲之易小成為先天神農之易中成為中天黃帝之易大成為後天楊月修云邵康節之易先天後天其源出于此今之讀易

者知有先天後天而不知有中天讀尚書者知有古文今  
文而不知有中文可乎連山藏于蘭臺歸藏藏于太卜  
此語見于桓譚新論則後漢時連山歸藏猶存不可以  
藝文志不列其目而疑之至隋世之連山歸藏則偽作  
上官求賞者耳按羅長源之論三易頗與此同而曰山  
海經云伏羲氏得河圖夏后氏因之曰連山黃帝氏得  
河圖商人因之曰歸藏烈山氏得河圖周人因之曰周  
易杜子春從之誤矣按歸藏之文有乾為天為君為父

為大赤為辟為卿為馬為禾為血卦之類則知與今易  
通矣或曰歸藏黃帝之書首坤啟筮乃有堯降二女以  
舜妃之語節卦云殷王其國常母谷目之類易為伏羲  
書而有帝乙文王等語又何耶其卦是也其文非也連  
山之文禹代之作歸藏之文湯代之作而易之文特文  
王之作至于爻辭則周公而象象則孔子也易者易也  
變易也而乾坤以為首連山者重山也故重艮以為首  
艮山也歸藏者萬物藏焉故也故重坤以為首坤者藏

也從時配位是三統之政也三易之書其書一其法異其為卦皆六位經卦皆八而別卦皆六十四書一也易尚變連山歸藏尚不變法異也變老也不變少也易用九六尚老也連山用七歸藏用八尚少也尚變之占三百八十有四不變之占亦三百八十有四凡七百六十有八其所以逆天地陰陽之神數定天地陰陽人事之休咎者備矣注或云商著策三十六蓋商氏之易主于坤坤之策三十有六也惟易則變故一可六十四而六

十四可以為一是故以六十四乘六十四得四千九十  
六其與連山歸藏倍一之理殊矣于是復以五十約之  
為三千二百則今之易卦三十二陽三十二陰者也大  
衍之數五十實筌乎此或曰得意忘象何首卦之云是  
不然曷亦知夫太易之掌其法而不掌其書耶書果一  
則連山得陽歸藏得陰繇屯而下卦卦分也而在三易  
則卦不分焉故曰不異抑且不知雜卦之次與序卦之  
列不同焉又何歟伏羲氏之為小成神農易之為中成神

農之中成黃帝易之為大成伏羲氏之先天神農易之  
為中天神農之中天黃帝易之為後天豈非易道變通  
不窮是故伏羲作之于前而神農黃帝相與振明于後  
惟變通之術不得不異而其為道則未嘗不同歟世之  
學者不原乎此乃更以為易道不一可以隨時而變置  
者亦誕惑矣按桓譚論易一曰連山二曰歸藏三曰周  
易連山八萬言歸藏四千三百言則漢之二易猶存明  
矣而筆叢謂歸藏為杜子夏所撰何耶孔子曰我欲觀



商道是故之宋而不足徵也得坤乾焉坤乾商易也晉  
薛貞注唐長孫无忌論齊世本蓍三卷缺文肯啟筮明  
夸縣治洪水牧占大明桀筮熒惑武王伐紂牧占蓍老  
曰不吉是也按明夸熒惑大明蓍老歸藏卦名也公羊  
疏孔子作春秋九月成卜之得陽豫之卦史記秦始皇  
獲瀉池壁言明年祖龍死不樂卜之得游徙按陽豫疑  
即豫卦游徙疑即旅皆連山卦名也陸佃云長安人家  
有之其卦皆縱然北齊劉光伯常撰偽連山魯史記以

應遺書之詔後亦敗矣世有連山三十卷者乃梁元帝之所撰筆叢據孔安國語連山歸藏周末已亡隋藝文志有連山易十卷按班氏六經首周易不聞有夏商之易隋時牛宏購求遺書至三十七萬卷不聞有連山而至唐始出何耶攷之北史劉炫傳隋文蒐訪圖籍炫因偽造連山上之故馬端臨以為炫作也而晉經簿始有歸藏易十三卷晉太尉叅軍薛貞唐司馬膺各有注按七略無歸藏隋志有二卷稱子夏撰或以為杜子夏非

卜商也杜子夏名鄴西漢人必鄴所撰至漢僅存初經  
齊母本著三篇隋志稱此書惟載卜筮不類聖人之旨  
唐世固疑其偽馬端臨業辨之矣路史孔安國以羲炎  
黃帝之書謂之三墳少昊顓嚳唐虞之書謂之五典康  
成從之而賈逵以三墳為三皇時書以五典為五帝典  
常至馬季長始以三墳為陰陽始生天地人之三氣豈  
其然哉予家三墳三卷以山氣形為之三墳山墳言君  
臣民物陰陽兵象謂之連山氣墳言生動長育止殺謂

之歸藏而形墳則言天地日月山川雲氣謂之坤乾復  
有河圖姓紀天皇策辟地皇政典之類大率似假羲炎  
黃帝為言以遷就于孔說云元豐中毛漸使西京得諸  
南陽逆旅偽書也夫墳者防與大之訓而索者究八體  
之應也蓋禮法之書故史伯云平八索以成人建九紀  
而立德張平子以三墳為三禮而馬融以八索為八卦  
惟有以也按觀此而連歸之真贗可哲矣歸藏即坤乾  
也乃分歸藏坤乾為二墳其陋尤甚夏易首艮也而夫

子贊連山乃終之以艮

謂成言乎艮在後也

商易首坤也而夫子

贊歸藏乃後坤

謂坤以藏之在後也

蓋歸重于艮坤以見卦首艮

首坤之繇也傳文兆乃泥夫子之言謂夏商易皆首震

反謂首艮坤者為誤然則先天以乾兌離震巽坎艮坤

為序而夫子贊先天乃先地山後水火亦將因以易其

序乎文王之易以乾坎艮震巽離坤兌為序而夫子贊

之乃先其震亦謂首震可乎觀艮之成終而成始及于

宗得坤乾之詒則連山當以艮震巽離坤兌乾坎為序

歸藏當以坤乾兌艮離坎巽震為序矣其先震雷圖從  
中起耳今升乃謂初乾初興何故哉路史初興初乾初  
离初榮初兌初艮初與初釐是也文王後天之方位法  
洛書之方位即連山之方位也特首艮首乾之異耳然  
連山之畫自神農始神農畫卦于五帝之前何以位符  
洛書于五帝之後所謂先天而天弗違非耶禹之修用  
連山蓋以其數符龜書文王後天何以循用連山所謂  
後天而奉天時者耶人但知伏羲之先天為則河圖而

孰知文王之後天則洛書乎人但知禹則洛書以叙時  
又孰知禹則洛書修連山乎先聖後聖同一揆天心聖  
心無二軌奇哉合而觀之惟伏羲之卦始稱先天即神  
農之中天已落後天則世人之不知有中天也無足怪  
也夫三易雖變而經卦八別六十四終不變三統雖變  
而春卯秋酉及歷元終不變服色之黑白赤可變而上  
繪下飾不可變也政之尚忠質文可變而簠簋升降之  
禮不可變也子曰商因于夏禮其損益可知也周因于

商禮其損益可知也豈非文者可革而本者不可革乎  
此義易夏時所以至今不可革歟用修引希夷曰易學  
意言象數四者不可闕一其理具見于聖人之經不及  
文字引說止有一圖謂先天方圓圖也以寓陰陽消長之  
說與卦之生變圖亦非創意以作孔子繫辭述之明矣  
又作易龍圖序曰龍圖者天散而示之伏羲合而用之  
仲尼默而形之希奎以授穆伯長伯長以授李挺之挺  
之謂邵雍曰物理外有性命之學雍悉傳之作後天圖




見于伯溫之序朱子因其出于希夸而諱之後作啟蒙指天地定位節曰此先天之學也帝出乎震節曰此後天之學也似說易無有此圖矣蓋康節因孔子易傳難明因希夷之圖又作後天圖如周子因易有太極一句而作太極圖今便謂先有太極圖而後有易傳可乎按翼傳所以明古易六圖所以明翼傳故今之四易皆先翼傳後圖說焉易筌亦是此意

煦按其說謂易似無此圖是未知全部周易之卦皆

出于先天圖而文周之卦辭爻辭皆所以發先天之秘蘊者也試問河出圖洛出書非孔子之言乎則之者必何如而則之乎又則之將欲何為乎將必有以得其解矣今謂六圖所以明翼傳則未知翼傳皆所以明六圖也易之始止有先天四圖并文王後天一圖止得五圖今云六圖或兼大圓圖中之方圖論也天地定位山澤通氣雷風相薄水火不相射八卦相錯數往者順知來者逆是故易逆數也

伏義先天小成圓圖



按此說卦明先天易也希夷圖之邵子曰乾南坤北離東坎西震居東北兌居東南巽居西南艮居西北定位者乾南上坤北下定尊卑之位通氣者艮山根著于地而泉脉從此出兌澤連接于天而石潤從此生震雷從地起由內而動于外巽風自天行由外而入于內互相衝激也水火本相害今一左一右在于天地之間各處而相濟不相侵克也

煦曰如此而言不相射宜乎其未知易也是乃對待

定位之說耳今欲明之但將下面三句以天地定位一句逐卦比量當自得其解矣

自震至乾為順自巽至坤為逆

亦非逆順之理既知此節為圖言則便當圖上留神何得執言卦者言圖乎論圖則一陽逆生而上一陰逆生而下耳陽而降下始為順陰而升上始為順也又曰乾坤縱而六子橫易之本也王齋胡氏曰圓圖南北為縱東南西北為橫楊用修云易畫自下

而上圖自左而右故曰逆數凡上下下曰順上上曰  
逆左徂右曰順右徂左曰逆史稱伏羲太昊氏春也邵  
子以易配春大戴禮言伏羲氏以木德王畫卦自下而  
上即木之自根而幹幹而枝也其畫三木之生數也其  
卦八木之成數也重卦亦兩其三八其八耳木行春也  
春貫四時木德仁也仁包四端伏羲所以為羣聖首而  
易為五經之原乎路史本乎陽者升而上本乎陰者降  
而下乾純陽天也故正位乎南坤純陰地也故位正乎

北乾附正性于離故中虛有日之象坤附正性于坎故中實有月之象

此亦未知逆順及用九用六之義

日生乎東故離正位乎東月生乎西故坎正位乎西今之上經首乾坤而尾坎離取四正之卦也乾下交坤故三男之卦附于坤坤上交乾故三女之卦附于乾乾一變為巽居乾之左再變為艮故居坎之左三變而之坤坤一變為震居坤之左再變為兌故居離之左三變而

之乾艮為山兌為澤地勢高于西北故艮位之四瀆濤  
于東南故兌處之雷出乎地故附坤之東北風薄乎天  
故附乾之西南今之下經以震艮巽兌為用取四維之卦  
也乾坤坎離純一不變故蒞乎四正震艮迭用巽兌互變  
故蒞乎四維此伏羲之所理也翼學編伏羲之作易也天  
火陽之正其卦為乾為離地水陰之正其卦為坤為坎  
風為天之變雷為火之變其卦為巽為震山為地之變澤  
為水之變其卦為艮為兌然而間兌於乾離首巽於坎



艮蓋陽降而下陰上而升澤上于天風行乎地斯以明  
相交之用與縣鏡乾坤坎離以四正卦居四正之位震  
巽艮兌以四反卦居四隅之位其位則乾一坤八兌二  
艮七離三坎六震四巽五亦各相對而成九數九老陽  
之數乾之象而無所不包也隱然寓尊乾用九之意

照按此段言圖皆合易理予所謂當看圖不當看卦  
也


震一陽離兌二陽而乾三陽也巽一陰坎艮二陰而坤

三陰也是為運行之序也乾統三男坤統三女本其所  
由生也傳文兆曰坎一陽而剝得中兌巽二陽而剝得  
中乾三陽而剝得中離一陰而柔得中震艮二陰而柔  
得中坤三陰而柔得中易所謂剝中正柔得中其本之  
此乎震艮坎皆二陰而應一陽巽離兌皆二陽而應一  
陰易所謂上下應剝柔皆應其本之此乎震一陽也兌  
二陽而乾三陽非陽長乎巽一陰也艮二陰而坤三陰  
非陰長乎易所稱浸長道消其本之此乎

照作循環太極圖即是發揮陰陽消長之義第所言  
應文則非

神農連山成圖

連山



神農按薛貞曰連山  
 乾始於子坤始於  
 午此與先天小圖  
 陽生陰生之旨暗  
 合者又以艮震巽  
 離坤兌乾坎為序  
 仍是後天卦序特  
 首艮耳  
 內層以後天為序  
 外層自乾左旋仍  
 是先天之序耳

帝出乎震齊乎巽相見乎離致役乎坤說言乎兌戰乎  
乾勞乎坎成言乎艮

按此說卦明連山易也希夷圖之曰正位稱方震東離  
南兌西坎北四維言位艮東北巽東南乾西北坤西南  
坤獨稱地者八方皆統于地兌言正秋不言方位四卦  
主時為四正其類可見離稱相見萬物皆見于此兌稱  
說言以正秋非萬物所說之時唯以兌體為澤物之所  
說不取其時艮稱成言艮體終止萬物令以生成成言

者艮連于寅故特言成邵子曰震兌橫而六卦縱易之  
用也路史此神農之易以人事為重乾坤相交萬物化  
生然後成功則男女以用事父母以退處此天地之常  
理也陽以順動故乾順進四位而處于西北陰以逆行  
故坤逆退四位而處于西南離火生東而王于南坎水  
生西而王乎北火炎上水潤下故離自東而南水自西  
而北也雷以春分出帝故自東北歸于卯澤以秋分始  
伏故自東南反于酉長養萬物于春夏之交者風也故

巽自西南而居于巳作止萬物于春冬之際者山也故  
艮自西北而處乎寅此則應地之方而見于用者也傳  
文兆曰離其大明之候乎乾其寒水之候乎易所稱文  
明堅冰其本諸此乎離南方之卦也易所稱南征南狩  
其本之此乎坤西北艮東北也易所稱西南得朋不利  
東北其本諸此乎震木之始生也齊巽而木始高矣有  
木而後生火故離次之有火而後能生土故坤次之坤  
者土也土中能生金而金生在澤也兌為澤也乾則為

金矣故乾次之乾天也天一生水故坎次之坎者水也  
水能生木而木多生于山也故次艮而復震也易所以  
稱漸木乘木金矢金鉉其取諸此乎

古連山文

姤初六龍化于蛇或潛于窪茲孽之牙象不可與長也  
復初七龍潛于神復以存神淵兮無畛操兮無垠象可  
與致用也

剝上七數窮致剝而終象致剝而終亦不知變也



陽文啟筮享神于大陵之上

其卦有陽豫游徙之類

賡連山文

有太始有太極有太易有太初有太素云云皆勦合鑿  
度之文

伏羲稱天皇神農稱人皇軒轅稱地皇

岐伯天師云先時者殺不及時者殺云云勦肩征文

天皇氏策辭云咨予上相共工我惟老極無為子惟扶

我正道咨告于民俾知甲歷日月歲時子勿怠共工曰  
工居君臣之位無有勞君其念哉皇曰下相皇桓撫愛  
下民同力咨告于民桓曰君其念哉云云全勦舜典  
又有民兵羈陰兵妖陽兵遣兵陽陣策辭又有主我屋  
主我兩斧諸語

# 黃帝歸藏大成圖

歸藏

照按此方仍  
是伏義藏  
圖與歸藏  
名卦用與  
筆釐與等  
字者不同  
則所引雷  
動風散之  
文當為歸  
藏言也

坤	䷁	剝	䷖	比	䷇	觀	䷓	豫	䷏	晉	䷢	萃	䷬	否	䷋
謙	䷎	艮七	䷳	蹇	䷦	漸	䷴	小過	䷽	旅	䷷	咸	䷞	遯	䷠
師	䷆	蒙	䷃	坎	䷜	渙	䷺	解	䷧	未濟	䷿	困	䷮	訟	䷅
升	䷭	蠱	䷑	井	䷯	巽五	䷸	恒	䷟	鼎	䷱	大過	䷛	姤	䷫
復	䷗	頤	䷚	屯	䷂	益	䷩	震四	䷲	噬嗑	䷔	隨	䷐	无妄	䷘
明夷	䷣	賁	䷖	既濟	䷾	家人	䷤	豐	䷶	離	䷝	革	䷰	同人	䷌
臨	䷒	損	䷨	節	䷻	中孚	䷼	睽	䷥	睽	䷥	兌二	䷹	履	䷉
泰	䷊	大畜	䷙	需	䷄	小畜	䷈	大壯	䷡	大有	䷍	大	䷌	乾一	䷀

雷以動之風以散之雨以潤之日以暄之艮以止之兌以說之乾以君之坤以藏之

按此說卦明歸藏易也語錄朱子欲取出圓圖中方圖在外此即取出方圖以明歸藏易者也胡王齋曰震離兌陽得乾而有所居巽坎艮陰得坤而有所歸宿希夷圖之邵子曰乾七子兌六子離五子震四子巽三子坎二子艮一子坤全陰故無子乾七子坤六子兌五子艮四子離三子坎二子震一子巽剝故無子乾坤七變是

以晝夜之極不過七分也兌艮六變是以月止于六共  
為十二也離坎五變是以日止五共為十也震巽四變  
是以體止四共為八也擊壤集曰天地定位否泰反類  
山澤通氣咸損見意雷風相薄恒益起義水火相射既  
濟未濟四象相交成十六事八卦相盪為六十四邵子  
曰圖皆從中起內四卦四震四巽相配而近有雷風相  
薄之象震巽之外十二卦縱橫有離坎有水火不相射  
之象坎離之外二十卦縱橫有艮兌有山澤通氣之象

艮兌之外二十八卦縱橫有乾坤有天地定位之象四  
而十二十二而二十二十而二十八皆有融八相生之  
妙以四隅自外而內則乾坤否泰第一層之四隅兌艮  
咸損第二層之四隅坎離既未濟第三層之四隅震巽  
益恒第四層之四隅縣鏡其中為震巽者各四自是而  
為坎離者各八而坎離之上下四隅四巽復存焉自坎  
離之外而為艮兌者各十二而艮兌之上下為震巽坎  
離者各四又自艮兌之外為乾坤者各十六而乾坤之

上下為震巽坎離艮兌者各四焉按此翼之所謂故水火相逮雷風不相悖山澤通氣然後能變化既成萬物者也路史蓋伏羲之易本于天歸藏之易本乎地學者不知究爾乾坎離震在天為陽在地為剛故在天則居東南在地則居西北巽坎艮坤在天則為陰在地則為柔故在天則居西北在地則居東南立天立地自然之理如此真即坤字肇即坎字釐即震字奭即巽字此歸藏本文即黃帝易楊用修云易曰陰陽合德而剛柔有

體曰陰陽之義配日月曰一陰一陽之謂道曰陰陽不測之謂神不曰陽陰而曰陰陽者何也曰生生之謂易陽主生陰主死若曰陽陰則死而不復生矣先陰後陽蓋有生生不窮之義焉匪特此也易曰是故知死生之說是故知鬼神之情狀又曰闔戶謂之坤闢戶謂之乾不曰生死而曰死生不曰神鬼而曰鬼神不曰闢闔而曰闔闢亦猶晦先于朔不曰朔晦而曰晦朔然則商易之首坤蓋亦有見于此朱氏曰周易所配五行按方圖



可見從中起震巽在中木生于春而長于夏是故震巽之為木者凡十六卦木生則火離在東南火之盛是故離之為火者凡八卦火生則金乾兌則西南金之盛是故乾兌之為金者凡十六卦金生則水坎在西南之中水之盛也是故坎之為水者凡八卦傳文兆曰震坎艮以一奇為主雖多陰而為剛卦巽離兌以一偶為主雖多陽而為柔卦易所稱剛上柔下其本諸此乎以一陽而統二陰是一君而二民也以二陽而統一陰是二君

而一民也易所稱君子大君得民遠民其本諸此乎震  
初畫坎中畫艮上畫剛易柔也巽初畫離中畫兌上畫  
柔易剛也易所稱剛柔相易其本諸此乎初陽位也震  
居之則當巽居之則不當二陰位也離居之則當坎居  
之則不當三陽位也艮居之則當兌居之則不當易所  
稱當位不當位其本諸此乎

古歸藏文

初經云初與坤初乾初離初萃初兌初艮初與巽初

坎即初兌初艮初與巽初

釐即  
震

煦按此與朱震本少異朱震先二老後少中長而却  
以乾南在先非首歸藏之義也朱震以坤為與以巽  
為與此以坤為與以巽為與

坤竟降二女以舜妃

節殷王其國常母谷目

大明不吉有初亡後

熒惑不利出征惟利安處彼為狸我為鼠勿用作事恐

傷其父

穆王子筮卦于禺強

縣封于崇縣死三歲不腐副之以吳刀

昔黃神與炎帝戰于鉅鹿將戰筮之

啟筮云空桑之蒼蒼八極之既張乃有羲和是主日月  
出入以為晦明

啟筮徙九鼎啟果徙之

蚩尤出自羊水八肱八趾䟽首登九淖以伐空桑黃帝

殺之于青丘

乾爲天爲君爲父爲大赤爲辟爲卿爲馬爲禾爲血卦  
其卦有明夷熒惑者老大明之類

賁歸藏文

歸動乘舟 歸動乘軒 藏止重門 殺動干戈 殺

長戰殺止亂 生動勲陽 止殺寬宥 歸殺降生殺

害 長歸從師 長藏從夫 動止戒生殺相克皆經

典刺語

屬坤乾文地皇坤乾象

雲天成陰 雲地高林 山地險徑 氣地下濕 山

日沈西 天日昭明 川日流光 日月代明 川月

東浮 日山危峰 月山曲池 山雲疊峰 山氣籠


烟 川氣浮光 雲氣流霞 月天夜明 川山島

雷山岫 氣山岫 日川湖 雲川溪 氣川泉 月

川湖 山川澗 皆詞人語或勦諸經典或取諸閭閻

不類三代以上者

夾漈鄭氏曰連山用三十六策歸藏四十五策周易四十九策



周易函書約存卷八

# 欽定四庫全書

經部

周易函書約存卷九

詳校官宗人府府丞<sub>臣</sub>靈北鼎

通政使司副使<sub>臣</sub>莫瞻業覆勘

總校官降調編修<sub>臣</sub>倉聖脉

校對官修撰<sub>臣</sub>吳錫齡

謄錄監生<sub>臣</sub>高伯揚



欽定四庫全書

周易函書約存卷九

禮部侍郎胡煦撰

原古 先儒易派

乾坤鑿度一 象數論黃宗義纂

自緯學禁絕之後其全書之見於今者乾鑿度而已而  
脫文誤字蕪不可理間嘗為之反覆推求其述有五  
一求所直部歲置積算

煦按此即後甲子年甲子月甲子日甲子時也

以元歲除之餘不滿部首歲即為天元滿部首歲除之  
為地元再滿部首歲除之為人元不盡以紀歲約之

照按紀歲者七十六年也

即所入部之年也以部上之十支次其不滿紀歲之年  
則得歲次矣

照按此處不言積算不滿紀歲謂不至七十六年也  
二求主歲之卦置部首以來歲數以三十二除之餘不  
足者從乾坤始二卦而當一歲末算即主歲之卦

三求世軌

世軌有二有唐堯世軌有文王世軌其用法則同

置積算以大周三萬一千九百二十除之餘以七百六十而一為一軌不滿軌者即入軌之年也一軌消息一卦大周逢奇起復逢偶起姤四十二軌消息卦三周有半八十四軌消息卦七周所謂八十四戒也

四求厄數軌意置大周以來年數

周文王世軌大周三萬二百四十

別用消息卦除之每一除為一厄

此屬過去

周而復始除至當下而止視其所置之年甲乙為饑丙丁為旱戊己為中興庚辛為兵壬癸為水

五求五德終始置積算以一千五百二十歲除之餘以三百四歲約之木金火水土相次為轉移之歲五德日數置部以來積日以一百八十除之餘以三十六約之甲庚丙壬戊五子相次是其日也其積算天元至文王

受命之歲二百七十五萬九千二百八十

脫一  
五字

歲入戊

午部二十九年伐崇侯作靈臺改正朔戊午部之歲為

庚子二十九年則戊辰也以武王伐紂十三祀推之時

歲在巳卯則文王受命為丁卯伐崇改朔乃是受命後

一年之事鄭康成謂受命後五年為此非也康成云三

部首而一元一元而太歲復於甲寅以甲寅為天元之

歲伐崇是戊午年

照按此年字  
當是部字

而非戊午部也

按此部  
字當是

年戊午年文王尚在美里豈能伐崇哉召誥周公攝政

七年孔穎達疏此年入戊午部五十六歲在乙未上距  
伐紂十七年伐崇二十八年其為戊午部而非戊午年  
明矣不得以甲寅為天元歲首也今定天元至壬子

作象

數論之歲

二百七十六萬二千一百四十九歲入人元庚子

部五年

煦按此上為今  
士子之積算

### 乾坤鑿度二

主歲之卦以周易為序而爻之起貞則以六日七分之  
法為序內卦為貞外卦為悔故從初爻起為貞其卦于

六日七分在某月即以某月起初爻陽卦左行陰卦右  
行兩卦以當一歲前為陽後為陰左行者其次順數右  
行者其次逆數皆間一辰乾于卦序在四月巳坤于卦  
序在十月亥今乾初不起四月坤初不起十月者以十  
一月陽生五月陰生乾坤不與衆卦偶故乾貞于十一  
月子坤又不起于五月者五月與十一月皆陽辰間辰  
而次則相重矣故貞于六月未舍午而用未是退一辰  
也屯序在十二月蒙序在正月各以其月為貞師序在

四月比序亦在四月陰卦與陽卦同位陰卦退一辰而

貞五月

此以文王之卦序為序

陽卦在陽辰陰卦亦在陽辰

子寅辰午

申戌皆陽辰

陽卦在陰辰陰卦亦在陰辰

丑卯巳未酉亥皆陰辰

皆退

一辰以為貞不得同位然也泰在正月貞其陽辰否在

七月亦陽辰也自宜避之以兩卦獨得乾坤之體故各

貞其辰而皆左行中孚貞于十一月子小過正月之卦

也宜貞于二月卯而貞于六月非其次矣故云法乾坤

蓋諸卦皆一例唯乾坤泰否中孚小過六卦不同此是



作者故為更張自亂其義而註言泰卦當貞于戌否卦當貞于亥抑又不知所據矣

乾坤鑒度三

軌運測驗之法可以考見者以所值之軌分受命之君之善惡從世爻得正失正而言復之初陽得正故聖人臨之二陽失正故庸人泰之三陽得正故君子大壯之四陽失正故庸人夬之五陽得正故聖人乾之上陽失正故庸人姤之初陰失正故小人遯之二陰得正故君

子否之三陰失正故小人觀之四陰得正故君子剝之  
五陰失正故小人坤之上陰得正故君子以一卦得正  
之交為享國之世祚復二四上三陰得正三六十八故  
十八世初陽得正而不數者陽少故也臨四上得正二  
六也故十二世泰初三得正為二九四上得正為二六  
并之三十世大壯初三得正為二九上得正為一六并之二十  
四世夬初三五得正為三九上得正為一五盛極而消并之  
三十二世姤遯主陰雖三五得正而皆陽也故止一世

否二五得正一九一六得十五世而非盛時故即以二  
五為世數觀二四五得正而二五止數其位四則數位  
兼數并之二十世剝二四得正為二六故十二世乾三  
九二十七而三十二世者於五兼數其位也坤三十六  
八而三十六世者偶其數也其受命即位之年在入軌  
之初與天運相符則有賢子孫繼之以畢其軌亦如六  
爻次序自初至上不當軌年之初入軌已十年既與天運  
不符身倖不失子孫自不能繼受命之君其德宜與卦

運相符苟失其德陰則起大而強陽則柔易而弱則不  
永其位水旱兵饑攷知其年預爲之備則可以救災度  
厄此五者其大略也然其言自相違背不審於理一軌  
七百六十年所謂聖人庸人君子小人者一君當之乎  
統一軌之君以當之乎乾為庸人而三十二世遞為君  
子而一世則是有天下者可一委之運數而人事不修  
也即位之年必欲當軌之初豈盡如所云乎帝王之治  
天下允軌其中寧因消息所宜而過剛過柔以迎卦氣

乎水旱兵饑十年內外不能不遇而以六百年七百年  
為期是亂日少而治日多也小道可觀致遠恐泥其斯  
之謂與

煦按此秦漢之緯書其說不經非聖人之制也黃宗  
義以為故為更張自亂其義又云自相違背不審于  
理知言哉獨取其積算始于甲子年甲子月甲子日  
甲子時與歲法上元冬至相合姑存之

乾鑿度歲法

元紀

部首

甲子一甲子部

每部七十六年

庚辰二癸卯部

一

丙申三壬午部

壬子四辛酉部

為

戊辰五庚子部

甲申六己卯部

天

庚子七戊午部

丙辰八丁酉部

元

壬申九丙子部

戊子十乙卯部

甲辰十一甲午部

庚申十二癸酉部

丙子十三壬子部

壬辰十四辛卯部

戊申十五庚午部

甲子十六巳酉部

庚辰十七戊子部

丙申十八丁卯部

壬子十九丙午部

戊辰二十乙酉部

部首 甲申一甲子部

庚子二癸卯部

二 丙辰三壬午部

壬申四辛酉部

為 戊子五庚子部

甲辰六巳卯部

地 庚申七戊午部

丙子八丁酉部

元 壬辰九丙子部

戊申十乙卯部

甲子十一甲午部

庚辰十二癸酉部

丙申十三壬子部

壬子十四辛卯部

戊辰十五庚午部

甲申十六巳酉部

庚子十七戊子部

丙辰十八丁卯部

壬申十九丙午部

戊子二十乙酉部

部首

甲辰一甲子部

庚申二癸卯部

三 丙子三壬午部

壬辰四辛酉部

為

戊申五庚子部

此八元庚子部也

甲子六巳卯部



人 庚辰七戊午部

丙申八丁酉部

元 壬子九丙子部

戊辰十乙卯部

甲申十一甲午部

庚子十二癸酉部

丙辰十三壬子部

壬申十四辛卯部

戊子十五庚午部

甲辰十六己酉部

庚申十七戊子部

丙子十八丁卯部

壬辰十九丙午部

戊申二十乙酉部

照按此後七十六年至癸亥又復起甲子甲子至己

卯七十六庚辰至乙未七十六丙申至辛亥七十六  
故下接壬子其甲子部至壬寅三十九故下接癸卯  
每以四十九年加之其癸卯壬午等乃至朔同日之  
干支也

日法八十一分

月之日二十九日餘八十一分日之四十三

歲之月十二餘十九分月之七

紀歲七十六

紀月九百四十

照按七十六年其月止該九百一十二添閏月二十八故有九百四十之數

紀日二萬七千七百五十

照按此七十六年之日也

部歲一千五百二十

部月一萬八千八百

照按此一部之月即一千五百二十年之月也

部日五十五萬五千一百八十

照按此一部之日也即一千五百二十年之日也

元歲四千五百六十

此一元之歲也

元月五萬六千四百

此一元之月也

元日一百六十六萬五千五百四十

此一元之日也

分部之法十九年為一章章首甲子日子時

此甲子部首之甲子章也

朔旦冬至謂之至朔同日第二章首復得至朔同日然  
非甲子日乃癸卯日酉時第三章首至朔同日乃是癸  
未日午時第四章首至朔同日乃是癸亥日卯時歷四  
章畢得七十六年其明年至朔同日乃癸卯日子時

照按此癸卯即第二紀之癸卯也其下壬午紀則當  
為壬午日之子時

因其至朔同時與第一章首同遂以七十六年斷為一紀而以其日干支名其部每章差三十九日九時每紀差一百五十九日除兩甲子則每紀止差三十九日二十紀通差七百八十日甲子十三周無餘復以甲子別起部首

照按此即古來章部紀元之法一曰宋仁宗康定元年庚辰徐復對宋仁宗曰歲值小過剛失位而不中其強君德乎附此以備考証

# 乾坤鑿度主歲卦

乾

月九  
月七  
月五  
月三  
月正  
月十一  
月剝

月七  
月五  
月三  
月正  
月十一  
月九  
月萃

坤

月八  
月十一  
月十二  
月二  
月四  
月六

復

月二  
月四  
月六  
月八  
月十  
月十二

升

月三  
月五  
月七  
月九  
月十一  
月正

屯

月十一  
月八  
月六  
月四  
月二  
月正

安

月七  
月五  
月三  
月正  
月十一  
月九

困

月七  
月五  
月三  
月正  
月十一  
月九

蒙

月三  
月五  
月七  
月九  
月正  
月大

畜

月十一  
月十二  
月二  
月四  
月六  
月八

井

月八  
月十一  
月十二  
月二  
月四  
月六

需

月三  
月十一  
月十八  
月六  
月四  
月二

頤

月九  
月七  
月五  
月三  
月正  
月十一

革

月正  
月十一  
月九  
月七  
月五  
月三

訟

月五  
月七  
月九  
月正  
月三  
月大

過

月十二  
月四  
月六  
月八  
月十  
月正

鼎

月八  
月十一  
月十二  
月二  
月四  
月六

師

月二  
月十二  
月十八  
月六  
月四

坎

月九  
月七  
月五  
月三  
月正  
月十一

震

月正  
月十一  
月八  
月六  
月四  
月二

比七月十一日正三五離八月十一日正二四六艮正月三十一日正七九十一

小二月十一日正八六咸三月十一日正九七五漸四月十一日正九七五三正

履九月十一日正五七恆十一月十一日正二四六八歸十二月十一日正四六八十

泰六月十一日正二四三二正遊四月十一日正二三十八六豐五月十一日正二三十八六

否七月十一日正九八七大五月十一日正七九十一正三旅七月十一日正九十一正三五

同八月十一日正九七晉十月十一日正八六四二彊十二月十一日正三五七九

有九月十一日正四六明十一月十一日正三五七九兌十二月十一日正四二十一八

謙十月十一日正四二五家三月十一日正五九七五渙四月十一日正二三十八六



豫

月五  
月七  
月九  
月十一  
月十三  
月十五  
月十七  
月十九  
月二十一  
月二十三  
月二十五  
月二十七  
月二十九  
月三十一

睽

月二  
月四  
月六  
月八  
月十  
月十二  
月十四  
月十六  
月十八  
月二十  
月二十二  
月二十四  
月二十六  
月二十八  
月三十

隨

月十一  
月十三  
月十五  
月十七  
月十九  
月二十一  
月二十三  
月二十五  
月二十七  
月二十九  
月三十一

蹇

月九  
月十一  
月十三  
月十五  
月十七  
月十九  
月二十一  
月二十三  
月二十五  
月二十七  
月二十九  
月三十一

蠱

月五  
月七  
月九  
月十一  
月十三  
月十五  
月十七  
月十九  
月二十一  
月二十三  
月二十五  
月二十七  
月二十九  
月三十一

解

月四  
月六  
月八  
月十  
月十二  
月十四  
月十六  
月十八  
月二十  
月二十二  
月二十四  
月二十六  
月二十八  
月三十

臨

月十一  
月十三  
月十五  
月十七  
月十九  
月二十一  
月二十三  
月二十五  
月二十七  
月二十九  
月三十一

損

月五  
月七  
月九  
月十一  
月十三  
月十五  
月十七  
月十九  
月二十一  
月二十三  
月二十五  
月二十七  
月二十九  
月三十一

觀

月十一  
月十三  
月十五  
月十七  
月十九  
月二十一  
月二十三  
月二十五  
月二十七  
月二十九  
月三十一

益

月四  
月六  
月八  
月十  
月十二  
月十四  
月十六  
月十八  
月二十  
月二十二  
月二十四  
月二十六  
月二十八  
月三十

噬

月八  
月十  
月十二  
月十四  
月十六  
月十八  
月二十  
月二十二  
月二十四  
月二十六  
月二十八  
月三十

夬

月正  
月二  
月三  
月四  
月五  
月六  
月七  
月八  
月九  
月十  
月十一  
月十二  
月十三  
月十四  
月十五

賁

月正  
月二  
月三  
月四  
月五  
月六  
月七  
月八  
月九  
月十  
月十一  
月十二  
月十三  
月十四  
月十五

姤

月八  
月十  
月十二  
月十四  
月十六  
月十八  
月二十  
月二十二  
月二十四  
月二十六  
月二十八  
月三十

乾鑿度世軌

一軌 

七百六十年

聖人

一十八世消

二軌 

一千五百年

庸人

一十二世消

三軌 

二千二百年

君子

三十世消

四軌 

三千四十年

庸人

二十四世消

五軌 

三千八百年

聖人


三十二世消

六軌 

四千五百年

庸人


三十二世消

七軌 

五千三百年

小人

一世消

八軌 

六千八十年

君子

一世消

九軌



六千八百  
四十年

小人

十世消

十軌



七千六  
百年

君子

二十世消

十軌



八千三百  
六十年

小人

一十二世消

二十軌



九千一百  
二十年

君子

三十六世消

三十軌



九千八百  
八十年

聖人

一十八世消

四十軌



一萬六  
百四十年

庸人

一十二世消

五十軌



一萬一  
千四百年

君子

三十世消

六十軌



一萬二千  
一百六十年

庸人

二十四世消

十軌 

一萬二千九百二十年

聖人

三十二世消

十軌 

一萬三千六百八十年

庸人

三十二世消

十軌 

一萬四千四百四十年

小人

一世消

十軌 

一萬五千二百年

君子

一世消

二軌 

一萬五千九百六十年

小人

十世消

二軌 

一萬六千七百二十七年

君子


二十世消

三軌 

一萬七千四百八十年

小人

十二世消

四軌 

一萬八千二百四十年

君子

三十六世消

二軌 ䷋

一萬九千

聖人

一十八世消

二軌 ䷋

一萬九千七百六十年

庸人

一十二世消

二軌 ䷋

二萬五千

君子

三十世消

二軌 ䷋

二萬一千二百八十年

庸人

二十四世消

二軌 ䷋

二萬二千四十年

聖人

三十二世消

三軌 ䷋

二萬二千八百

庸人

三十二世消

三軌 ䷋

二萬三千五百六十年

小人

一世消

三軌 ䷋

二萬四千三百二十年

君子

一世消

三軌 

二萬五千  
八十年

小人


十世消

三軌 

二萬五千  
百四十年

君子


二十世消

三軌 

二萬六千  
六百年

小人


一十二世消

三軌 

二萬七千三  
百六十年

君子

三十六世消

三軌 

二萬八十一  
百二十年

聖人


闕

三軌 

二萬八十八  
百八十年

庸人

一十二世消

三軌 

二萬九千六  
百四十年

君子


三十世消

四軌 

三萬四  
百年

小人

二十四世消

四軌 

三萬一千一百六十年

聖人

三十二世消


四軌 

三萬一千九百二十年


庸人


三十二世消

文王世軌


一軌 


七百二十年

二軌  一萬五千八百四十年


二軌 


一千四百四十年

三軌  一萬六千五百六十年


三軌 


二千一百六十年

四軌  一萬七千二百八十年


四軌 

二千八百八十年

五軌  一萬八千一十年

五軌 

三千六百

六軌  一萬八千七百二十年

六軌

四十三百二十年

七軌

一萬九千四百四十年

七軌

五千四百十年

八軌

二萬一千一百六十年

八軌

五千七百六十年

九軌

二萬八千八百八十年

九軌

六千四百八十年

十軌

二萬一千六百六十年

十軌

七千二百七十年

十一軌

二萬二千三百二十三年

十一軌

七千九百二十年

十二軌

二萬三千四百四十年

十二軌

八千六百四十年

十三軌

二萬三千七百六十年

十三軌

九千三百六十年

十四軌

二萬四千四百八十年



十軌一萬八  
十軌一萬八

三軌二萬五千  
五軌二百年

十軌一萬八  
十軌一萬八

三軌二萬五千九  
六軌二百年

十軌一萬一千五  
十軌一萬一千五

三軌二萬六千六  
七軌二百年

十軌一萬二千二  
十軌一萬二千二

三軌二萬七千三  
八軌二百年

十軌一萬二千九  
十軌一萬二千九

三軌二萬八千  
九軌二百年

十軌一萬三千六  
十軌一萬三千六

四軌二萬八千  
十軌二百年

十軌一萬四千  
十軌一萬四千

四軌二萬九千五  
一軌二百年

二軌一萬五千一  
二軌一萬五千一

四軌三萬二千  
二軌四十年

水旱軌意

復 ䷗

陽爻六十四陰爻五十六復一陽五陰再周得六百八十八

臨 ䷒

二陽四陰再周得七百四

泰 ䷊

三陽三陰再周得七百二十

大壯 ䷡

四陽二陰再周得七百三十六

夬 ䷪

五陽一陰再周得七百五十二

乾 ䷀

六陽再周得七百六十八

姤 ䷫

一陰五陽再周得七百五十二

遯



二陰四陽再周  
得七百三十六

否



三陰三陽再周  
得七百二十

觀



四陰二陽再周  
得七百四

剝



五陰一陽再周  
得六百八十八

坤



六陰再周得  
六百七十二

乾鑿度五德轉移

木德

三百四歲

照按以下皆三百四歲加之

金德

六百八歲

火德 九百一十二歲

水德 一千二百一十六歲

土德 一千五百二十歲

五德日數

從部首起冬至甲子朔

木德 甲子三十六日

金德 庚子三十六日

火德 丙子三十六日

水德 壬子三十六日

土德

戊子三十六日

煦按自乾鑿度焦贛京房而下如太元洞極潛虛元  
包洪範經世書大約皆本鑿度京房而推廣之以合  
諸歲數耳雖曰附易以行而易之正義不與焉故但  
以為易之派也易冒天下之道各家所說自應包括  
其中若論本義自應以盡性至命天人合一為極則  
焉今于各家所著節其大略于後然于盡性至命之  
道無與也即用以占卜亦無可占之驗大約皆後之

學者不克窮理妄自附于作者之林以欺世盜名耳  
然猶有存之學之傳之者非盡留心聖道者也大都  
艷前人之名故不論是非不求實驗止資以為博雅  
之助爾

易林

焦贛字延壽傳經學於孟喜當西漢元成之間以易道  
上千梁王遂為郡察舉詔補小黃令著焦氏易林每卦  
各有六十四變變各有詞亦西漢之傑作也

照按周易三百八十四爻而每卦六爻每爻各係以辭非止占獨動之爻也若止獨動之爻可占則二爻同動以及三四五六爻同動者周公未嘗別立爻辭則周易所係之占辭豈不大有缺略乎不知一卦之爻各有時位既已二爻三爻四爻五爻同動于一卦自不應外此一卦別求道理即如乾卦二三爻同動以位而論則有在下可見之象以理而論則有居下謹畏之象以時而論則有居下漸進之象是此二爻

其理未始不一其事未嘗不可合占如或初三四合三爻而動則有由靜而動由潛而方躍之象潛而始躍安得不寅畏中存凡人占事必有始終潛始而躍終莫不凜以兢懼之心則三爻之象固一理也周公逐爻而設之辭却不別立二爻以至五六爻同動之辭職是故耳即用九一節是為六十四卦所有陽爻同出于乾故特著乾元之用孔子文言已明告之非為六爻同動者言也以卦之六爻或獨動或合動周



公逐爻各有辭矣今于六十四卦不論獨動合動每  
於所動之卦皆別立一辭比諸周公文辭絕不相類  
如前所云九二九三兩爻同動周公之辭何等切實  
其在易林則為乾之无妄辭曰傳言相誤非于徑路  
鳴鼓逐狐不知跡處如前說初九九三九四三爻同  
動周公之爻辭俱在也其在易林為乾之渙辭曰跛  
躄相隨日暮牛疲陵遲後旅失利亡雌絕無一字與  
周公文辭相似夫周易經四聖釐定吉凶悔吝自古

及今莫之或與者道存故也若使道理尚有滲漏尚  
俟後人寡知渺見綴而補之豈四聖之聰明領會不  
子若乎抑亦不揣之甚矣學者有志聖道寧棄術數  
而尊聖經可耳若妄意推求自鳴著作聖人既遠烏  
得而禁諸然而聖人之經隨人所用皆可得益隨人  
所占皆可得驗彼妄意推求者卒亦莫之有益莫之  
有驗也斯其淺深離合亦槩可想矣大抵卦中合動  
之爻皆宜合所動之辭而占左氏所定同動之爻既

無遺漏又恆合諸互卦變卦以為之說當亦有由然也其說見沙隨程迥古占法已見前卷

京房易傳

商瞿子木受易孔子五傳至漢田何子莊又三傳為孟喜而焦贛云從孟氏問易頓丘京房君明師之房授殷嘉姚平乘宏遂為京氏學京房元帝時人

孔子曰一世二世為地易三世四世為人易五世六世為天易遊魂歸魂為鬼易鬼為繫爻

今作克我為鬼

財為制爻

我天地為義父即生我福德為實父子同氣為專父兄

龍德十一月子在坎左行即月建虎行五月午在離右行

五行生死即今生旺墓例陽入陰陰入陽交互相盪積算隨卦

起宮天地之內無不通也乾起巳坤起亥震起寅巽起午坎起子離起丑艮起未兌

起申初爻三日二爻三日三爻三日各九日餘一曰閏餘

三旬成月積月成年成萬一千五百二十策

此言每爻三十策大衍數用之

分三十為中三十為上三十為下總一百二十倍六卦新

新不停生生相續故淡泊不失其所易所以斷理定倫  
也晁景遷曰京傳文字外訛余三十四年乃能以象數  
辨正之蓋辨三易謹氣候以觀盈虛也進退以幾而為  
卦主者世也據一起二而為主之相者應也世所位而  
陰陽轉者飛也肇乎所配不脫乎本以飛何宮之卦乃  
伏何宮之位者伏也起世而周內外參本數以紀月者  
建也終始無窮以紀日者積也會于中以四為用備四  
卦者互也乾建甲子于下坤建甲午于上八卦之上乃

生一世之初初一世之五位乃分為五世之位其五世之上乃為遊魂之世五世之初乃為歸魂之世而歸魂之初乃生後卦之初其建割日則節氣柔日則中氣虛則二十八盈則三十六至於世應飛伏死于位生于時生于時死于位則意遺乎言者也焦小黃變四千九十六管輅定乾之軌七百六卦入坤之軌六百七十二卦知之者將以語康節三易矣

照按此即今傳火珠林占法也其繫制義寶即生克

制化也其納支干于中而每有奇驗即容成造甲子之法也說見別集原圖內其以八純之世定于宗廟乃自一世至五世以及遊歸之世皆各各不爽者取卦中升降之氣與陰陽之升降合也其每更一世則必另為一卦而仍不離乎本宮之性情則聖人歷歷驗之而確有以見其然也其卦氣之升至于五矣乃復以降氣取之而六位不復變者正所以存本宮之性情也亦聖人歷歷驗之而確有以知此爻之不變

也夫易始于伏羲冒天下之道者也文王周公孔子相傳曰周易黃帝老子相傳曰金丹此周易之一分也周易之傳于孔子者以道為主其別傳為京氏之學究數而言占此周易之又一分也想當古皇授受時必合精粗巨細而歸于一致其後相沿既久聰明不逮古人遂分金丹術數而為三矣然而京房所傳雖全在占上留心其五行卦氣之說猶不失陰陽四象之旨精而求之皆各有至理存焉正未可以粗鄙



而略之也如所云歸魂之初乃生後卦之初豈非有見于卦氣之循環周流不息乎如所云生于時死于位豈不謂時為流行不息位為一定不移與聖人論爻之說同乎乃學周易而未嘗取驗于占雖道理百出言之可聽要皆旁出岐趨必非正旨故吾于京氏猶有取也至于溺數而遺理則又在所畧矣

潛老曰七變藏九不變主變

煦按七變者一世至歸魂也不變者上爻也

遊魂歸魂原始反終誰知之乎今之術火珠林者未有  
能讀京傳者也余亦十年而後通其解乾統氣故虛五而  
起積每卦五變合上為六而遊魂之變亦虛五而行四  
陽卦當二十四則所餘二十六候也照按二字當是三字震坎艮  
首虛一位而自乾巳巳至艮庚子艮字當是震字則餘二十八  
也四陰卦亦然劉子起月首故六月得二十六候柔子  
中氣則六月止得二十八候

宿則兩周而定南方七宿加參焉五行以生為序故訂

而譜之

立春坎初

戊寅

雨水處暑

艮初

辛丑

驚蟄白露

震初

庚子

春分兌四

丁亥

清明寒露

艮四

丙戌

穀雨霜降

離四

巳酉

立夏坎四

戊申

小滿小雪

巽四

辛未

芒種大雪

乾四

壬午

夏至兌初

丁巳

小暑寒露


艮初

丙辰

大暑寒露

離初

巳卯



照按此圖  
 自立春戌  
 寅始逆周  
 十二節至  
 立秋又復  
 至寅逆周  
 十二

乾建始甲子至巳巳兼巳巳至甲戌積算起巳巳至戌辰五星徙位起填星與坤飛伏參位起壬戌

統七十  
二候

姤起坤宮庚午芒種至乙亥小雪積乙亥至甲戌太白飛翼井入辛丑分氣候三十六

遯辛未大暑至丙子大雪丙子至乙亥太陰辰星飛艮鬼降丙午

否壬申立秋至丁丑大寒丁丑至丙子歲星飛坤柳降乙卯

觀癸酉秋分至戊寅立春戊寅至丁丑熒惑飛翼星宿降辛未二十八

剝甲戌寒露至己卯春分己卯至戊寅填星飛艮張降丙子三十六

晉己卯春分至甲申立秋甲申至癸未太白飛離伏艮伏五世之上卦翼降己酉二十八

欽定四庫全書

周易函書約存

三

大戊寅立春至癸未大暑癸未至壬午太陰  
有辰星與坤飛伏 軫降甲辰 三十六

震建丙子大雪至辛巳小滿積算辛巳至庚辰  
歲星與巽飛伏 角降庚戌 三十六

豫丁丑大寒至壬午芒種壬午至辛巳  
熒惑飛坤 亢 乙未 二十八

解戊寅立春至癸未大暑癸未至壬午  
填星飛坎 氏 戊辰 三十六

恆巳卯春分至甲申立秋甲申至癸未  
太白飛巽 房 辛酉 二十八

升庚辰清明至乙酉秋分乙酉至甲申太  
陰水星飛坤 心 癸丑 三十六

井辛巳小滿至丙戌寒露丙戌至乙酉  
歲星飛坎 尾 戊戌 二十八

大丙戌寒露至辛卯春分辛卯至庚寅熒  
過伏坎伏五世之上卦 箕 丁亥 三十六  
飛兌

隨

乙酉秋分至庚寅立春庚寅至己丑  
填計都此南斗也庚辰二十八

坎

建癸未大暑至戊子大雪積戊子至丁亥  
太白與離飛伏牛降戊子二十八

節

甲申立秋至己丑大寒己丑至戊  
子太陰辰星飛兌女丁己

屯

乙酉秋分至庚寅立春庚寅至  
己丑歲飛震虛庚寅

既濟

丙戌寒露至辛卯春分辛卯至  
庚寅熒飛離危己亥

革

丁亥小雪至壬辰清明壬辰至  
辛卯填飛兌室丁亥

豐

戊子大雪至癸己小滿癸己至壬  
辰太白飛震壁庚辰

夷

癸己小滿至戊戌寒露戊戌至丁酉  
飛坤伏震伏五世之上卦奎癸酉辰星

師

壬辰清明至丁酉秋分丁酉至

艮

建庚寅立春至乙未大暑積乙未至甲午

賁

庚卯春分至丙申立秋丙申至乙未

畜

太辰清明至丁酉秋分丁酉至丙申

損

癸巳小滿至戊戌寒露戊戌至丁酉

睽

甲午芒種至己亥小雪己亥至戊戌

履

乙未大暑至庚子大雪庚子至己亥

孚

庚子大雪至乙巳小滿乙巳至甲辰

巽伏乾伏五世之上卦鬼 辛未 三十六



漸 巳亥小雪至甲辰清明甲辰至癸卯 太白 柳 丙申 二十八

坤 建甲午芒種至巳亥至戊戌遇而復始與乾飛伏五星從位起太陰水星星宿從位降癸酉

復 乙未起坤大暑至庚子大雪積庚子至巳亥歲星 飛震 張宿降庚子 分氣候二十八

臨 丙申立秋至辛丑大寒積辛丑至庚子 癸感 飛兌 翼在丁卯 三十六

泰 丁酉秋分至壬寅立春壬寅至辛丑填星 飛乾 軫降甲辰 二十八

大 戊戌寒露至癸卯春分癸卯至壬寅壯 太白 飛震 角降庚午 三十六

夬 巳亥小雪至甲辰清明甲辰至癸卯辰星 飛兌 亢降丁酉 二十八

需 甲辰清明至巳酉秋分巳酉至戊申歲星 飛坎 兌伏 五世之上卦 氐降戊申 三十六

比

癸卯春分至戊申立秋戊申至丁未  
感與乾飛伏房降乙卯二十八

熒

巽

辛丑大寒至丙午芒種丙午至己  
填與震飛伏心辛卯

小

士寅立春至丁未大暑丁未至丙  
午太白飛乾尾降甲子

家

癸卯春分至戊申立秋戊申至  
人丁未辰飛離箕己丑

益

甲辰清明至己酉秋分己酉至戊申  
歲飛震計都降庚辰北斗也

无

乙己小滿至庚戌寒露庚戌至  
安己酉熒飛乾牛壬午

噬

丙午芒種至辛亥小雪辛亥至  
嗑庚戌填飛離女己未

頤

辛亥小雪至丙辰清明丙辰至乙卯  
艮伏震震字誤當離五世之上卦

虛

太白

飛

丙戌

盛

庚戌寒露至乙卯春分乙卯至甲寅辰與震飛伏危辛丑

離

戊申立秋至癸丑大寒癸丑至壬子與坎飛伏室巳巳三十六歲

旅

巳酉秋分至甲寅立春甲寅至癸丑焚飛艮壁甲辰

鼎

庚戌寒露至乙卯春分乙卯至甲寅填飛艮奎辛亥

未

辛亥小雪至丙辰清明丙辰至乙卯太白飛坎婁戊午

蒙

壬子大雪至丁巳小滿丁巳至丙辰飛艮胃丙戌

渙

癸丑大寒至戊午芒種戊午至丁巳歲飛巽昴丁巳

訟

戊午芒種至癸亥小雪癸亥至壬戌飛乾伏巽伏五世之上卦畢壬午熒

同 丁巳小滿至壬戌寒露壬戌至  
人 辛酉填 紫 巳亥

兌 乙卯春分至庚申立秋庚申至己  
未 太白與艮飛伏 參 丁未

困 丙辰清明至辛酉秋分辛酉至  
庚申辰 飛坎 井 戊寅

萃 丁巳小滿至壬戌寒露壬戌至  
辛酉歲 飛坤 鬼 乙巳

咸 戊午芒種至癸亥小雪癸亥至  
壬戌 焚 飛艮 柳 丙申

蹇 己未大暑至甲子大雪甲子至  
癸亥填 飛坎 星 戊申

謙 庚申立秋至乙丑大寒乙丑至甲  
子 太白 飛坤 張 癸亥

過小 乙丑大寒至庚午芒種庚午至己巳  
飛震伏坤伏五世之上卦 翼 庚午 辰

歸甲子大雪至巳己小滿巳己至  
妹戊辰歲軫丁丑

煦按此卦序以乾統震坎艮三男在前坤統巽離兌  
三女在後其二十八宿自參納乾而始一卦一宿順  
行至泰而止又由震起角順行至歸妹唯隨卦納計  
都下註曰南斗益卦納計都下註曰北斗然皆註世  
爻于下蓋納于世爻也或由世爻而更衍其宿亦未  
可定凡冬至立春之類其上所用之爻則月建也其  
云建始甲子則配六爻者也乾多巳己至甲戌六十

支為其建統七十二候也其云三十六老陽之策也  
二十八少陽之策也乾言七十二候建始之所統也  
其云起巳巳至戊辰週六甲也

# 卦氣直

## 日圖



坎中復至  
 艮十五  
 艮九震六  
 震十五  
 共十五  
 共九離六  
 離十五  
 坤十五  
 坤九兌六  
 兌十五  
 乾十五  
 乾九坎六  
 北戴碑古

初氣冬至  
 二氣大寒  
 三氣雨水  
 四氣春分  
 五氣雨水  
 六氣清明  
 七氣春分  
 八氣立夏  
 九氣芒種  
 十氣夏至  
 十一氣小暑  
 十二氣立秋  
 十三氣處暑  
 十四氣白露  
 十五氣秋分  
 十六氣寒露  
 十七氣霜降  
 十八氣小雪  
 十九氣大雪  
 二十氣冬至

外層京以辟統公侯卿大夫卦

次層後天八卦順加除坎離震兌

照按次層所列皆後天卦位而又以後天卦順加之者也俱以各宮之卦居首其家人當為蒙

內層邵子除乾坤坎離

照按其卦皆先天之卦而又加以先天之卦也在左者左下在右者右下

四層每爻一氣



辟卦每爻一候

鑿度類是謀稽覽圖俱言卦氣唐志曰月卦出孟喜章句以為易本于氣而後以人事明之

孟康曰分至之首皆得八十分日之七十三頤晉井大畜皆五日十四分餘皆六日七分

邵子曰三百八十四爻真天文也止用三百六十以乾坤坎離之不用也不用所以用也故萬物變而四者不變也蓋自京氏亦除四卦以三百六十五度四分度之

一爻直一日而五度奇則每度八十分五日四分度之一當得四百二十分六十卦分之卦各七分是所謂六日七分也止菴謂此最盡天體智按此京減三統日法之一耳依邵子法五度四一當為一千八百九十分則十卦卦得三十一分六秒每兩卦相對寓六十四藏一之象焉緯占曰每六氣後餘一日三時五十八分有奇二十四氣共五日三時歸于氣終此四分厯以九百四十分為日法也後天坎離震兌四正卦其用十二乾坤


艮巽四隅卦其用四十八數盡則交六九七八合之皆  
十五四正用六四隅用九

照按此陰陽互用之機在洛書則四正奇數四隅偶  
數也以後天配先天除坎離震兌亦即除乾坤坎離  
之義但取其爻數與三百六十相合耳若以圖論斷以  
除先天乾坤坎離為是不然則與六十四卦圓圖不  
合

以七八居中六九前後相交焉此京氏本法至今卦影

用之其以辟統公侯卿大夫則太玄取之環配者也四  
維之用所以維四正故皆主九貴其用也大抵先天立  
體後天主用全以具爻納虛相應原自妙叶謹衍于後  
照按次層後天之卦除坎離震兌皆左旋三層先天  
之卦除乾坤坎離者皆自上而下

# 具文應二十四氣納虛圖



邵子曰干幹也支枝也干十而支十二則陽數中有陰陰數中有陽也此言二五則陽而陰三四則陰而陽也潛老曰具爻配通期多二十四爻今以一氣虛一爻則二十四氣虛二十四爻虛者合二為一則十二也故當氣盈朔虛之象焉四而為一則二十四而六也智曰凡四肢之節以虛能轉故納虛之法納于氣節之間今按每氣皆十五日二時五刻原有餘贏故贏爻應之舉一章七閏閏年四大月三小月為三百八十四日權法十

六兩一斤斤亦三百八十四銖列其恒法而盈虛在中  
矣甲壬陽孤乙癸陰虛五子五丑之類納一于孤虛之  
間則七十二也納虛爻二十四而以二為一亦七十二  
也六十律六十甲子與除四之卦則其體矣然歲有四  
千三百二十時即貞悔七十二卦之十周爻也今以通  
期爻具爻貞悔爻三等而與甲子輪之聽其不齊而五  
千七百六十自齊矣此半其具策十五閏年而十六其  
通期八卦各兩其三百六十而九十六周甲子也別詳

全譜年也月也日也時也分秒也爻與甲子環輪相續而積閏氣分盈縮其間自何破焉易真神明之牖○九年前二月十五日辰即今年正月初一日辰為月九十七為日二千八百八十而四十八周甲子也此推步家約法也今五千七百六十則兩其九年四十八周甲子耳凡四十九年合易之具策

今世撰著者少而火珠林之術盛行大槩本于京氏卦棄其象數爻取于干支一世卦為一世應於動靜無與



也一事為一門類與爻辭無與也然某觀京房易傳又與今世所行間有出入則亦失其傳也

曰世應分為八宮乾震坎艮坤巽離兌各主一宮所屬七卦自下而上以次受變變至五爻則上爻不可復變上爻為本宮之主故第六卦從五爻返至四爻變而復主卦之畫謂之遊魂第七卦則內卦皆復主卦之畫謂之歸魂主卦以上爻為世其次五卦以變爻為世遊魂以四爻為世歸魂以三爻為世

亦內卦之上爻也

世之對為應

初與四二與五三與上是也

曰飛伏世爻所在見者為飛不見者為伏見者即世爻

之納甲不見者八主卦取相反之納甲

乾與坤反震與巽反坎與離反艮與

兌五變卦取主卦之納甲

變在一世取主卦一爻變在二世取主卦二爻餘準此

遊歸二卦取從變之納甲如乾宮遊魂從剝而變則取

剝四納甲為伏歸魂從晉而變則取晉三納甲為伏餘

準此

照按此又一伏法當不可宗

曰建以爻直月從世起建布于六位

惟乾坎從初爻起

乾起甲

子坤起甲午一卦凡六月也

曰積算以爻直日從建所止起日如姤上九乙亥即以乙亥上起九為一日終而復始一卦凡百有八十日也術家以月為直符日為傳符指六爻所見之支當之非矣

曰鬼為繫爻財為制爻天地為義爻

天地即父母

福德為寶

爻

福德即子孫

同氣為專爻

兄弟也

即術家所定六親是也其

定身爻視世爻之辰子午身居初丑未身居二寅申身

居三卯酉身居四辰戌身居五巳亥身居上而京氏無

定身爻之例乾卦云水配初位為福德初爻甲子水木

入金鄉居寶貝二爻甲寅木土臨內象為父母三爻甲辰

母火來四上嫌相敵四爻壬午火金入金鄉木漸微五

壬申金乾之兄弟宗廟上建戌亥乾本位謂上爻壬戌土

照曰末句上字亥字當羨

若依術家則乾五為身爻乾上復為父母京氏皆不言

者以世即身也世外復有身不已贅乎

煦按據此則卦身之說後人杜撰耳

曰龍德虎刑龍德在十一月坎卦子左行虎刑五月在離卦午右行故依建之所立龍德起子至四月在巳虎刑繼之虎刑起午至十二月在亥

煦按末句當去二字

乾德繼之術家見子即為龍德見午即為虎刑失之遠矣術家又有青龍朱雀勾陳騰蛇白虎元武六神以所

占之日甲乙起青龍丙丁起朱雀戊起勾陳己起騰蛇  
庚辛起白虎壬癸起元武在龍虎為重出餘四神為增  
加也

曰卦位初元士二大夫三三公四諸侯五天子上宗廟  
曰五星曰二十八宿皆從世爻入卦

曰盈虛盈則三十有六虛則二十有八内外卦各分其  
半以其五行所屬起世爻巡于六位視與爻之納甲相  
生尅定其吉凶此皆術家之所無也

遊魂八卦伏

鬼易十六卦不取本  
宮為伏故別為圖

晉

艮四  
丙戌

大

坎四  
戊申

明

震四  
庚午

中

乾四  
壬午

需

兌四  
丁亥

頤

離四  
巳酉

訟

巽四  
辛未

小

坤四  
癸丑

歸魂八卦伏

大

坤三  
乙卯

隨

巽三  
辛酉

師

離三  
己亥

漸

兌三  
丁丑

比

乾三  
甲辰

蠱

艮三  
庚辰

同

坎三  
戊午

歸

艮三  
丙申

照按二十四節節有三候一候五日而配以一卦該

七十二卦今于四立分至中各虛一卦以象之其十

六氣每氣各計三卦然以予意論之畢竟除去乾坤坎離而以其餘六十卦分配三十日則一卦六爻各配六日方與三百六十日合也然必以六日七分者以三百六十之外尚有五日四分度之一也

冬至日在坎春分日在震夏至日在離秋分日在兌四正之卦卦有六爻爻主一氣餘六十卦卦主六日七分八十分日之七歲十二月三百六十五日四分日之一六十而一周離坎震兌各主一方其餘六十卦卦有六



爻別主一日凡主三百六十日餘有五十四分日之一  
每日分為八十分五百分為四百分日之一又分為二  
十分是四百二十分六十分卦分之六七四十二每卦各  
得七分每卦得六日七分也自復至乾為息卦曰太陽  
自姤至坤為消卦曰太陰息卦所屬曰少陽消卦所屬  
曰少陰京房精于其學東漢郎顗明之

象數論曰以十二辟卦言之剝之至復所隔惟坤六爻  
其一爻當一候一候得五日五分六分分之五六爻得

三十日三十五分非七日也以六十卦言之一卦六日七分剝之至復中隔艮既濟噬嗑大過坤未濟蹇頤中孚九卦計五十四日六十三分非一卦也孔穎達牽合兩者故其說不能合易之七日來復反剝為復所歷七爻以一日為一爻故曰反復其道反復即反覆也與卦氣何與即使孔氏之疏能合卦氣則易之辭毋乃為卦氣圖說乎為卦氣之法者宓戲即文王耶

煦按黃氏止認得來氏之綜卦故確認七日來復為

覆卦此說非也如但以覆為義則但曰反覆可矣不必曰復復者往往來來不一之稱也如但以覆為義則一覆而即至矣更不必曰七日也七日云者謂中為純坤六爻所間耳今曰反復為反覆矣然則七日來復亦可曰七日來覆乎蓋周易全是先天全是流通活潑的全是倣像天地間陰陽往復循環不已之運安有一卦可認為一定不移之象乎漢儒去古未遠易道雖晦而尚未盡沒其真所以猶有卦氣之說

特漢儒援入歲法必欲卦爻皆與日配所以紛紛其說不能盡合前隔九卦之說是太元卦圖如以先天太極圖而論則坤之左右即剝復也安得有九卦之隔

六日七分之說相傳既久其餘卦氣皆自後起有自乾至未濟並依易書本序以八卦直一日乾直甲子坤直乙丑至未濟直癸亥乃盡六十日六周而三百六十日四正卦則直二分二至坎冬至離夏至震春分兌秋分

不在六十卦輪直之列者焦氏之法也

此除後天四正者也

有以乾坤坎離四卦為橐籥餘六十卦依序卦一爻直  
一時一月有三百六十時足其數者又以十二辟卦每  
卦管領一時魏伯陽之法也

照按此除先天四正者也伯陽所用序卦乃火候之  
次第至于合諸歲法則必用先天大圖中卦序除去  
四正乃可也蓋離坎震兌乃後天小圖之卦後天無

大圖圖則無六十卦可以分爻配日且除後天之四正而合諸先天之大圖則冬至後除去震離兌三卦而夏至後止除坎之一卦故不能合要必除先天四正而用大圖圖者為是

乾起甲子坤起甲午每卦直六月者京房之法也史繩祖曰革居序卦之四十九當大衍之數節居序卦之六十當周天之度六十卦三百六十爻一爻主一日上經乾起甲子泰甲午午當是戌噬嗑甲申至離三十卦一百八

十日而三甲盡下經咸起甲午損甲辰震甲寅至節癸亥而終亦三十卦一百八十日而一年周故天地節而四時成亦曰天地革而四時成中孚小過既未濟者以應分至

中孚巽上兌下小過震上艮下既未濟皆坎離此又一除法

每爻直十五日以應二十四氣先儒言卦起中孚非也以六十卦言甲子起于乾以分至四卦言甲子亦起于

中孚亦古法也至宋而後有所謂先天圖者于是邵子以六日七分之法施于其圖點卦起中孚之說以復起冬至姤起夏至其以坎離震兌四正卦主二十四氣者改為乾坤坎離此圓圖之卦氣也張理以方圖覆背置之泰處于東北乾處于東南否處于西南坤處于西北此即乾南坤北乾東坤西目為後天方圖者也亦以冬至起復至泰而正月至乾而四月至否而七月至坤而十月此方圖之卦氣也



此又一除法

張氏又以一陰一陽至六陰六陽類而並列六陽處南六陰處北陽自下而升陰自上而降廣辟卦之法也邵

子又以方圖乾兌離震各重之為六十四卦共二百五

十六卦

即既濟卦圖  
見前經世書

以之算大運亦以算小運二十四

氣每氣六十四爻積一千五百二十六爻合乾兌離震掛一之數謂之掛一圖所謂皇極之學也

圖說述曰二十四氣七十二候見于周公時訓呂不韋

取以為月令其書則見于夏小正夏小正者夏后氏之書孔子得之于杞者也夏建寅故其書始于正月周建子而授民時巡狩祭享皆用夏正故其書始于立春夏小正具十二月而無中氣有候應而無日數至于時訓乃五日為候三候為氣六十日為節仲尼贊易時已有時訓觀七月一篇則有取于時訓可知豈時訓因小正而加詳歟

煦謂七月自是周公詩今云此者見得周公時尚且

有取于時訓則孔子贊易時有時訓明矣

說卦言坎北方之卦也離南方之卦也兌正秋也於三卦言方則知坎離震兌各主一方矣于兌言正秋者秋分也兌言秋分則震春分坎冬至離夏至為四正矣復大象曰先王以至日閉闕所謂至日者冬至也于復言冬至則姤為夏至而十二月消息之卦可知矣復象曰七日來復則六十卦分主一歲卦為六爻爻主一日可知矣繫辭曰三百八十四爻當期之日蓋六十卦當三

百六十日四卦主十二節十二中氣所餘五日則積分成閏也

京房卦氣主六日七分用太玄之序焦贛一卦直一日用周易之序而費直引孟康之法則一爻主一日也

京房在元帝時子雲在孝平時當是子雲用京房卦氣

卦氣正月為泰天氣下降當為雨水二月大壯雷在天  
上當為驚蟄先雨水而後驚蟄宜也驚蟄者萬物生乎

震震為雷也清明者萬物齊乎巽巽為風也巽潔齊而  
曰清明明清乃潔齊之義穀雨三月中自雨水後土膏脉  
動至此又雨則土脉生物所以滋五穀之種也小滿四月中  
先儒云小雪後陽一日生一分積三十日生三十分而成  
一晝為冬至小滿後陰生亦然夫四月乾之中謂之滿  
者姤初六羸豕孚蹢躅坤初六履霜堅冰至羸豕喻其  
小蹢躅喻其滿履霜喻其小堅冰喻其滿易言于一陰  
既生之後歲言于一陰方萌之初慮之深防之豫也小

雪後有大雪此乃有小滿無大滿意可知矣至若三月  
中穀雨五月中芒種此二氣獨指穀麥言穀必言其生之  
始穀種于春得木之氣殘于秋金克木也麥必要其成之  
終麥種于秋得金之氣成于夏火克金也六月小暑六月  
中大暑夏至後暑已盛不當又謂之小殊不知易曰寒往  
則暑來暑往則寒來寒暑相推而歲成焉通上半年之  
半皆可謂暑通下半年之半皆可謂寒正月暑之始十  
二月寒之終而曰大暑小暑者不過上半年之詞耳六

月中暑之極故謂大然則未至于大則猶為小也七月  
中處暑七月暑之終寒之始大火西流暑氣于是乎處  
矣處者隱也藏伏之義也白露八月節寒露九月節秋  
本屬金金色白金氣寒白者露之色寒者露之氣先白  
而後寒固有漸也九月中霜降寒露始結為霜也立冬  
後曰小雪大雪寒氣始于露中于霜終于雪霜之前為  
露露由白而始寒霜之後為雪雪由小而至大皆有漸  
也至小寒大寒幽風云一之日威發二之日栗烈威發風

寒故十一月之餘為小寒栗烈氣寒故十二月之終為大寒也大抵合而言之上半年主長生曰雨曰雷曰風皆生之氣下半年主生成曰露曰霜曰雪皆成之氣下半年言天時不言農時農時莫急于春夏也先儒有云日月運行而四時成以其有常也故聖人立法以步之陰陽相錯而萬物生以其無窮也故聖人指物以候之貫六氣終始早晏五運大小盈虛原之以至理考之以至數而垂示萬古無有差忒也經曰五日謂之候三候



謂之氣六氣謂之時四時謂之歲又曰日為陽月為陰  
行有分紀周有道理日行一度月行十三度而有奇焉  
故大小月三百六十五日而成歲積氣餘而盈閏矣經  
云日常於晝夜行天之一度則一日也共三百六十五  
日四分之一而周天度乃成一歲常五日一候應之故  
三候成一氣即十五日也三氣成一節節謂立春春分  
立夏夏至立秋秋分立冬冬至此八節三八二十四氣  
而分主四時一歲成矣春秋言分者以六氣言之則二

月半初氣終而交二之氣八月半四氣盡而交五之氣  
若以四時之分言之則陰陽寒暄之氣到此可分之時  
也晝夜分五刻亦陰陽之中分也故經曰分則氣異此  
之謂也冬夏言至者以六氣言之則五月半司天之氣  
至其所在十一月半在泉之氣至其所在以四時之令  
言之則陰陽至此極至之時也夏至日長不過六十刻  
陽至此而極冬至日短不過四十刻陰至此而極皆天  
候之未變故經曰至則氣同此之謂也天自西而東轉

其日月五星循天從東而西轉故白虎通曰天左旋日月五星右行日月五星在天為陰故右行猶臣對君也日則晝夜行天之一度月則晝夜行天之十三度有奇者謂復行一度之中作十九分分之得七大率月行疾速終以二十七日月行一周天是將十三度及十九分之七數總之則二十九日計行天三百八十七度有奇計月行疾之數比日行遲之數則二十九日日方行天二十九度月已先行一周天三百六十五度外又行天

之二十二度反少七度而不及日也陰陽家說謂日月之行自有前後遲速不等固無常準則有大小月盡之異也本三百六十五日四分度之一即二十五刻

所謂三時

者是也

當為一歲自除歲外之餘則有三百六十日又除

小月所少之六日止有三百五十四日而成一歲通少十一日二十五刻乃盈閏為十二月之制則有立首之氣氣乃三候之至月半示斗建之方乃十二辰之方也閏月之紀則無立氣建方皆化氣但依歲以八節見之

推其所餘乃成閏天度畢矣故經曰立端于始表正于中推餘于終此之謂也觀天之杳冥豈復有度乎乃日月行一日之處指二十八宿為証而記之曰度故經曰星辰者所以制日月之行也制謂度也天亦無候以風雨霜露草木之類應期可證而測之曰候言候之日亦五運之氣相生而直之即五日也如環之無端周而復始書曰椿三百六旬有六日以閏月定四時成歲即其義也夫日一晝一夜十二時當均分于一日故上智設

銅壺滴水漏下壺箭箭分百刻以度之雖日月晦明終不能逃是一日之中有百刻之候也夫六氣通主一歲則一氣主六十日八十七刻半乃知交氣之時有早晏也冬夏日有長短之異則晝夜互相推移而日出入時刻不同然終天百刻矣其氣交之刻則不能移也甲子之歲初之氣始于漏水下一刻終于八十七刻半子正之中也二之氣復始于八十七刻六分終于七十五刻戌正四刻也三之氣復始于七十六刻終于六十二刻半

酉正之中也四之氣復始于六十二刺六分終于五十  
一刺未正四刺也五之氣復始于五十一刺終于三十  
七刺半午正之中也六之氣復始于三十七刺六分終  
于二十五刺辰正四刺也此之謂周天之歲度餘刺交  
于乙丑歲之初氣矣如此而轉致戊辰年初之氣復始  
于漏水下一刺則四歲而一小周也故申子辰氣會同  
者此也已酉丑初之氣俱起于二十六刺寅午戌初之  
氣俱起于五十一刺亥卯未初之氣俱起于七十六刺

氣皆起于同刻故謂之三合義由此也以十五小周為一大周則六十年也三車一覽以申為水之生子為水之旺辰為水之庫故申子辰三合而不知氣起于同刻乃天道自然之妙耳

五運

甲 乙 丙 丁 戊

化土 化金 化水 化木 化火

巳 庚 辛 壬 癸



六氣

子午少陰君火 丑未太陰濕土 寅申少陽相火

卯酉陽明燥金 辰戌太陽寒水 巳亥厥陰風木

司天者本年所見之陰陽在泉者與之相對者也

如子午年則辰戌太陽寒水司天為初之氣子午君火為三之氣而丑未太陰濕土則為在泉者也

周易函書約存卷九